

## Transkription von Stadtbucheintrag BLN 1402b

Ort, Datierung: Berlin, 1402-06-25

Signatur: Landesarchiv Berlin, Stadtbuch, S. v verso (128v), 2. Eintrag

Inhalt: Rat der Stadt Berlin: Rentenbrief

---

It(em) Bekenne(n) wi Ratman(n)e thu / Berlin (et cetera) dat wî hebbe(n) vor=/koufft vnd vorkope(n)  
med dissin / keginwordige(n) briue Recht vnd / Redelich den frome(n) lude(n) Jacob / kleinow syn(er)  
eilike(n) husfrouwe(n) / vnd syn(er) suste(re)n dry schok Bemisch(er) / g(roschen) p(re)gisch(er)  
mu(n)te vor xxx schok / g(roschen) der selue(n) p(re)gisch(er) mu(n)te dy / wi hebbin witlichen  
gewendet / vnd gekeret i(n) vns(er) stad nû / vnd from(en) der selue(n) xxx schok / g(roschen) late(n)  
wî den vorgescr(euen) lude(n) / ledich qwid vnd lôs myd / dessin briue , dy selue(n) dry /  
schokg(roschen) willin vnd gloue(n) wy / den sulue(n) vorgescr(euen) lude(n) thu / geue(n)de vnd thu  
betalende wol / thu danke vnd thu wille sunder / alle vortoch vnd hind(er) alle jar / thu sunte Johans  
dage thu / mydde(n)somer alle dy wile der / dryer lude ennich ey(n) leuet / van vns(en) Rathuse thu  
Berlin / med soda(n) vnderscheit wenne / de(n)ne ey(n) sterffe nach godis / wille welk den lengest  
leûet / nach den and(ere)n dem sullen / wi vnd willin geue(n) vnd betale(n) / dy vorgescr(euen) dry  
schok Rente / vnd plicht wol thu danke in / aller wise als vorgesc(reuen) js / recht afft sy alle dry  
leue(n)de / wen(n) den(n)e der dryer lude keyn meir is So sullen dy / dry schok g(roschen) gefallin vnd  
ge=/fallin sin ledich qwid vnd / los [an] vnse Rathuse thu / Berlin des thu orkunde so / hebbin wy  
Ratlude thu Berlin / med Recht wischap vns(er) stad / groste Jng(esegel) an dessin Briff / lathe(n)  
hengin an(n)o d(o)m(ini) [...] / seque(n)ti die Joh(ann)is /